

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
ZAVOD ZDRAVSTVENOG OSIGURANJA
TUZLANSKOG KANTONA
TUZLA**

Broj: 04-1420-979-42/17
Tuzla, 21.12.2017. godine

Na osnovu člana 70. stav (1) Zakona o javnim nabavkama ("Službeni glasnik BiH", broj: 39/14), odredaba Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Zapisnika o pregledu i ocjeni ponuda, broj: 04-1420-979-41/17 od 21.12.2017. godine, Direktor Zavoda zdravstvenog osiguranja Tuzlanskog kantona donosi

**ODLUKU
o izboru najpovoljnijeg ponuđača**

I

Za najpovoljniju ponudu za realizaciju Programa zdravstvene zaštite nivoa opće bolnice koja će se pružati osiguranim licima sa područja općina Gračanica i Doboj Istok i gravitirajućeg područja saglasno Programu zdravstvene zaštite iz obaveznog zdravstvenog osiguranja za 2018. godinu, bira se ponuda ponuđača JZU Opća bolnica "Mustafa Beganović" Gračanica.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u Javnom pozivu i ponude sa kojom je ponuđač učestvovao u predmetnoj nabavci, a na osnovu člana 98. stav (2) tačka a) Zakona o javnim nabavkama, protekom Zakonom predviđenog roka, kao i dobijanjem saglasnosti Ministarstva zdravstva Tuzlanskog kantona i Odluke Upravnog odbora o davanju saglasnosti na zaključivanje ugovora.

III

Ova Odluka će biti objavljena na web stranici Zavoda zdravstvenog osiguranja Tuzlanskog kantona istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

IV

Ugovorni organ će istovremeno sa slanjem Odluke o izboru izabranom ponuđaču, objaviti dobrovoljno ex ante obavještenje na Portalu javnih nabavki u skladu sa članom 36. Zakona o javnim nabavkama.

V

Ova Odluka dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Na osnovu Odluke o pokretanju postupka broj: 04-1420-979-1/17 od 04.12.2017. godine i Javnog poziva broj: 04-1420-979-2-2/17 od 04.12.2017. godine, pokrenut je postupak dodjele ugovora za realizaciju Programa zdravstvene zaštite nivoa opće bolnice koja će se pružati osiguranim licima sa područja općina Gračanica i Doboj Istok i gravitirajućeg područja saglasno Programu zdravstvene zaštite iz obaveznog zdravstvenog osiguranja za 2018. godinu.

Kriterij za dodjelu Ugovora je ekonomski najpovoljnija ponuda, u skladu sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14).

U skladu sa članom 7. stav 3 Pravilnika o postupku dodjele ugovora o uslugama iz Aneksa II dio B, Ugovorni organ je objavio Javni poziv na svojoj web-stranici, te isti uputio ugovornim zdravstvenim ustanovama iz 2017. godine.

Utvrđeno je da je dostavljena ponuda ponuđača JZU Opća bolnica "Mustafa Beganović" Gračanica, te da ispunjava formalno – pravne uslove.

U vezi sa ponudom navedenog ponuđača sačinjen je Zapisnik o otvaranju, pregledu i ocjeni ponuda broj: 04-1420-979-41/17 od 21.12.2017. godine.

Shodno navedenom, odredbama Zakona i općim aktima Zavoda, a imajući u vidu činjenicu da je ponuda ponuđača iz člana I ove Odluke dostavljena u odgovarajućem roku, te da ispunjava formalno pravne uslove, sa istim će se zaključiti ugovor.

Iz navedenih razloga, primjenom člana 64. stav (1) tačka a), člana 70. stav (1), (2), (3) i (6) Zakona o javnim nabavkama BiH ("Službeni glasnik BiH", broj:39/14) i člana 10. stav (1) Pravilnika o postupku dodjele ugovora o uslugama iz Aneksa II. Dio B. Zakona o javnim nabavkama ("Službeni glasnik BiH", broj: 66/16), odlučeno je kao u članu I ove Odluke.

POUKA O PRAVNOM LIJEKU:

Ukoliko ponuđač smatra da je Ugovorni organ u toku datog postupka dodjele Ugovora izvršio povredu Zakona ili podzakonskih akata ima pravo da pokrene žalbeni postupak u roku od 10 dana, u skladu sa članom 101. stav 4., tačka a) Zakona o javnim nabavkama ("Službeni glasnik BiH", broj:39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

DOSTAVLJENO:

1. Ponuđaču (e-mailom)
2. Sektor za trezorsko poslovanje
3. a/a

**DIREKTOR**
Mirsad Hodžić, dipl. ecc